

萌城、靈州。己巳，減光祿寺供應，如元年制。火篩諸部犯寧夏東路。

按是月下又出己巳字，不當。明史稿：“八月丁未，寇犯固原，辛亥，大掠韋州、環縣、萌城、靈州，己巳，減光祿寺供應如元年之舊，寇入寧夏東路。”紀欲增書“己酉免河南被災稅糧”，而己酉在丁未辛亥之間，因去丁未辛亥，用是月字以便聯書，其在是月下又出己巳字，蓋偶失之。今爲正之如下：“八月丁未，火篩諸部犯固原，己酉，免河南被災稅糧，辛亥，火篩諸部大掠韋州、環縣、萌城、靈州、己巳，減光祿寺供應如元年制，火篩諸部犯寧夏東路。”然若嫌“火篩諸部”字重複，則在己巳下用是月字，而以火篩諸部所犯各地聯書之亦可。

十五年三月庚寅，賜康海等進士及第、出身有差。

按是科賜進士及第出身者二百九十九人，見實錄。吳寬弘治壬戌進士同年會錄序作三百人。

秋七月己卯，錄劉基後裔世襲指揮使。

實錄“錄開國功臣前誠意伯劉基之九世孫瑜爲浙江處州衛指揮使，仍世襲，從給事中吳士偉言也。”

按紀據實錄不誤，而史功臣表一及劉基傳並作十三年，當各改正。

十二月己酉，大明會典成。

皇明資治通紀卷二十二：“按嘉靖中詹事霍輅等受命重修大明會典疏，詔內臣監局官員，伏讀皇明祖訓，置職甚詳，惟弘治年間儒臣失考，不及纂述，致我皇明聖制，所以嚴內外之限，慎宮闈之防，建昭代之規，立萬世之極者，人不得而知之。伏望勅下司禮監，備查洪武年間各監局職掌何如？員數何如？及列聖以前欽差事例何

如？今日員數何如？送館稽纂，編列禮典，亦聖朝以禮治之意也。建按，會典不列載內臣職掌，誠一大缺典，當時纂修諸臣非不知載，此蓋避中貴之嫌而不欲載也。若如霍文敏所議修入，則一展卷而知孰爲祖宗成法，當守，孰爲後來弊政，當革，昭然灼然矣。”

野獲編卷一云：會典一書，蓋昉唐六典而加詳焉。太祖初著諸司職掌，至英宗復辟，復命詞臣纂修條極，以續職掌之後，蓋會典已權輿於此，但未成帙耳。至弘治十年丁巳始創立，此書成於弘治十五年，賜名大明會典，孝宗御製序序之，但未及刊行，至正德四年，刪潤而登之板。嘉靖八年，世宗再命諸儒臣修之，已有緒矣，二十四年春，閣臣嚴嵩等，又請續添新例以成全書，二十八年成。初修時，張永嘉桂安仁夏貴谿等爲政，詳新制而略舊儀，其後嚴分宜總裁，徒知取媚主上，而紊禮踰法則極矣，進呈後，世宗留之禁中，不製序，不發刊。至今上四年，又命輔臣張江陵等偕史臣重修，十五年竣事，今刊行者是也。蓋此書雖四修，而人間傳行板本，止正德與萬曆兩部而已。

十七年正月壬午，嚴誣告之禁。

按此從刑科都給事中于瑁等請也。蓋爲李道明案牽引者多而發，見實錄。李道明事，詳十六年十二月實錄。

冬十一月戊子，罷雲南銀場。

按據實錄，此特從巡撫雲南都御史陳金之請，革去雲南管礦僉事一員耳，未言罷雲南銀場也。國榷卷四十五正作“裁雲南管礦僉事。”

十八年三月癸卯，賜顧鼎臣等進士及第、出身有差。

按是科賜進士及第出身者三百三人，見實錄。

五月辛卯，崩於乾清宮，年三十有六。

聞見漫錄卷上：“我孝宗不豫，傷寒症也。內藥房宦官傳旨，不召大方脈傷寒科，而召口齒科劉姓醫官，乃素交納於宦官者，進藥一誤，而熱極思水，乃制而不進，以致口鼻衄吐塊血而崩。略其後劉醫就獄，太皇太后有旨以貸其死，惜哉！”

按此可與武宗實錄卷一互證，孝宗實錄但言孝宗在齋宮嬰寒疾，不數日而劇，無一語及進藥事，其爲焦芳有意諱之明甚！

明史卷十六(武宗紀)考證

正德元年二月壬子，御經筵。

實錄：“初開經筵。是日早朝畢，上御文華殿，諸有事於經筵者，俱盛服左右侍，大學士李東陽講大學首章，謝遷講尚書堯典首章，講畢，賜宴於左順門，并賜知經筵同知經筵侍班大臣，及進講、展書、書講章執事等官白金寶鈔綵緞表裏有差。”

按是年三月實錄載大學士劉健等言：“仰惟皇上嗣承大統，日新聖學，今年二月二日肇開經筵，次日，即允臣等日進講讀，中外臣民，莫不忻忻相慶，以爲聖德之光明，聖治之熙皞，實基於此矣。然自開講以來，不時傳旨暫免，計一月有餘，進講之數，纔得九日而已。孟子曰，雖有易生之物，一日暴之，十日寒之，未有能生者也。以今計之，則寒之者又不知其幾何矣。且中間暫免之日，多以兩宮朝謁爲詞，近又云擇日乘馬，臣等愚見，以爲乘馬等事，似與講學兩不相妨，至於慈宮問安，往來不過頃刻，太皇太后皇太后俱以宗社爲念，見皇上勤於講學，亦必喜動顏色，今以頃刻之問安，而廢一日之學業，恐非所以慰慈顏，承尊意也。”又四月實錄載吏科給事中胡煜言：“今陛下暮夜既無召對之條，晝日又無勤學之益，雖日日御經筵，然儒臣之講未畢，而已有鴻鵠之思，几席之讀未幾，而倏興逸樂

之想，惟聞與近倖導諛者不時游玩，雜巧滿前，一暴十寒，得之方微，耗之已甚，聖學如此，何以正心！”合而觀之，武宗之不好學，即其自始便呈怠荒之徵爾。

夏五月丙申，減蘇、杭織造歲幣。

實錄“內織染局奏行蘇杭等府織造兩宮上用等緞，計二萬七千四百六十匹，尚書曾鑑等言，四方多事，公私匱竭，科徵不息，民何以堪！宜停止或量減。上是之曰，既連歲災傷，其減三分之半，以甦民力。”

六月辛酉，禁吏民奢靡。

按詳見實錄尚書張昇、都御史張敷華所上奢靡僭制十三事。

秋八月乙卯，復遣內官南京織造。

實錄：“令內官監左少監崔杲等往應天府織造綵妝緞匹，工部尚書曾鑑等奏曰：皇上嗣位，下詔停免織造，德音方布，何乃輒復沮之！今東南水旱相仍，生民失業，意外之虞，所當豫防。況綵妝緞匹，一匹用數十人之工，踰半年而後可完，分外所費，尤難悉數。竊惟服以彰德，賞以酬勞，賞之有節，則得之者寶藏珍重以爲奇，濫則亦以尋常視之耳。伏望躬行節儉，裁抑賜予，或有應賞人員，止用織金緞匹，差官宜暫免，勿使重困地方。六科給事中陶諧等，十三道御史杜旻等亦具奏，弗聽。”

十二月丁巳，命錦衣衛官點閱給事中。

實錄：“太監李榮傳內旨：六科給事中俱令守科，日常至酉乃出，仍令錦衣衛直宿指揮不時點閱，違者以名聞，其奉京差非遠出者亦如之。”

按此可參閱正德三年六月實錄及史許天錫傳。

二年三月辛未，以大學士劉健、謝遷、尚書韓文、楊守隨、張敷華、林瀚五十三人

黨比，宣戒羣臣。

實錄“勅諭文武羣臣：朕以幼冲嗣位，惟賴羣臣輔弼，匡其不逮。豈意去歲姦臣王岳范亨徐智，竊弄威福，顛倒是非，私與大學士劉健、謝遷，尚書韓文、楊守隨、張敷華、林瀚，郎中李夢陽，主事王守仁、王綸、孫磐、黃昭，檢討劉瑞，給事中湯禮敬、陳霆、徐昂、陶諧、劉蒞、艾洪、呂翀、任惠、李光瀚、戴銑、徐蕃、牧相、徐暹、張良弼、葛嵩、趙士賢，御史陳琳、貢安甫、史良佐、曹閔、王弘、任訥國權卷四十六同，史陸崑傳及劉瑾傳作任諾。李熙、王蕃、葛浩、陸崑、張鳴鳳、蕭乾元、姚學禮、黃昭道、蔣欽、薄彥徽、潘鏜、王良臣、趙佑、何天衢、徐珏、楊璋、熊卓、朱廷聲、劉玉，遞相交通，彼此穿鑿，曲意阿附，遂成黨比。或傷殘善類，以傾上心，或變亂黑白，以駭衆聽，扇動浮言，行用頗僻，朕雖察審，尚務優容。後漸事跡彰露，彼各反側不安，因自陳，俯遂其休致之請，若自償，則公譴謫之典，其勅內未罪者，吏部查令致仕，毋使惡稔，追悔難及。夫人臣以忠敬爲本，不聞阿附爲榮，朕不明露白，羣臣何以知悉？邇來朕一遵祖宗成憲，申明舊章，除宿弊，汰冗官，欲臻治理，爾羣臣尚惟精一乃心，恪供乃職，必以光明正大爲期，必以黨比阿附爲戒。且如張懋等，凡遇會奏論列，並無片言，隨人符同，輒聽詭計，列銜而行，朕皆爾釋，以後毋蹈覆轍，自貽累辱，國有昭典，朕不輕貸。故諭。是日早朝罷，傳宣羣臣跪於金水橋南，劉瑾以勅授鴻臚宣讀之。其文乃瑾私人屬筆，國權但云瑾私筆，非。或曰焦芳爲之。”

秋八月丙戌，作豹房。

實錄“蓋造豹房公廨，前後廳房，左右廂房歇房，時上爲羣姦蠱惑，朝夕處此，不復入大內。”

三年正月辛亥，大計外吏，中旨罷翰林學士吳儼、御史楊南金。

查看完整版

付费下载



【百万古籍库】

<https://www.fozhu920.com/list/>

【易】【医】【道】【武】【文】【奇】【画】【书】

1000000+ 高清古书籍

打包下载





【风水】风水命理资料合集_9500 本

阴宅阳宅、风水堪舆、八字命理、手相面相、符咒卦象、奇门遁甲、紫微斗数.....



【中医】中华传统医学资料大全_15000 本

针灸、推拿、正骨术、汉医、苗医、民间秘方偏方、药洒药方、祖传医术、珍本...



【道术】道家法术\茅山术\符咒术\气术_3000 套

修真秘籍、丹道、道家秘术、胎息功、内丹术、茅山法术、道家符咒、巫术、...



【武术】传统武术与现代搏击术_6200 册

少林、武当、太极拳、形意拳、八极拳、咏春拳、气功、散打、格斗、拳击、...



【集藏】经史子集库_13300 卷

【经史子集】楚辞、汉赋、诗集、词集、宝卷、正史、编年、别史、纪事本末、地理志...



【国画】传世名画 _ 6100 卷

唐、金、辽、宋、元、明、清 800 多位画家近 6000 多幅传世...



【县志】方志\地方县志\乡志\地理志_8100 册

府志、区志、乡志、地理志..... 此合集为全国范围地方县志\府志古籍影印电子版，...



【国学】中华古籍库—32 万册古籍书

32 万册《中华古籍库》 【32 万册影印古籍 + 20 多亿字，带检索器和阅读工具】 包括各地方志、日本内...

【更多】 >> <https://www.fozhu920.com/list/>